

李 賀 年 譜 補 記

上期李賀年譜貞元二十年下引新唐書二〇三李益傳云：

益故宰揆族子，於詩尤所長。貞元末，名與宗人賀相埒。

每一篇成，樂工爭以賂求取之，被聲歌，供奉天子。

嗣承聞一多先生見示，益與賀齊名之說可疑。蓋據李尚書集（1）從軍詩序云：‘君虞（益字）長始八歲，燕戎亂作’。燕戎指安祿山，事在唐玄宗天寶十四載（七五五）；益是年八歲，則當生於天寶七載（七四八）。又新書本傳云：‘（文宗）太和初，以禮部尚書致仕，卒。若在太和元年（八二七），則益當年八十也。益以代宗大曆四年（七六九）進士擢第，（2）年二十二（3）；至貞元二十年（八〇四）五十七歲，成名已久。時賀年才十五；益傳乃稱益名與賀埒，似非信史云云。按聞先生所考益生卒甚確。新書名與賀埒一語，舊書作‘與宗人李賀齊名’，苦不知其所據。疑原意或僅謂二子皆以樂府見稱；雖益成名在前，而賀才情不匱，亦能比肩先輩。然其語實有病，宜聞先生疑之也。此條多蒙聞先生指教，謹致謝。

朱自清

（1）二酉堂叢書本。

（2）元幸文房唐才子傳四。

（3）唐蔣防霍小玉傳謂益年二十進士擢第，疑有誤。